



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA DOBOJ ISTOK
www.dobojistok.ba;035/720-028 ili 035/720-908
Općinska izborna komisija
tel/fax:035/722-776;e-mail: oik@bih.net.ba

Broj: 13/2018

Datum: 30.05.2018.god.

Na osnovu člana 18. stav 1. Pravilnika o upotrebi i izradi izvoda iz Centralnog biračkog spiska, CIK-e BiH („Službeni glasnik BiH“, broj: 29/18), Općinska izborna komisija Doboj Istok na sjednici održanoj dana 30.05.2018.godine, donijela je

P L A N

izlaganja izvoda iz Privremenog biračkog spiska na području općine Doboj Istok za Opće izbore 2018.godine

Plan izlaganja sadrži slijedeće:

- a) način obavještavanja javnosti,
- b) trajanje izlaganje izvoda iz Privremenog biračkog spiska,
- c) mjesta gdje će biti izloženi izvodi iz Privremenog biračkog spiska,
- d) obavještavanje raseljenih lica o promjeni biračke opcije u Centru za birački spisak.

a) Način obavještavanja javnosti

O mjestu i načinu izlaganja izvoda iz Privremenog biračkog spiska za redovne birače na području općine Doboj Istok birači će biti obaviješteni putem web stranice općine Doboj Istok (www.opcinadobojistok.ba), plakata i preko aktivista mjesne zajednice.

Službenik Centra za birački spisak općine Doboj Istok će u saradnji sa Općinskom službom za društvene djelatnosti, branilačko-invalidsku zaštitu i opću upravu održati zajednički sastanak sa predstavnicima mjesnih zajednica u cilju njihovog potpunog informisanja vezanog za aktivnosti izlaganja izvoda iz Privremenog biračkog spiska, kao i postupkom vršenja ispravki kod nadležnog organa.

b) Trajanje izlaganja izvoda iz Privremenog biračkog spiska

Izvodi iz Privremenog biračkog spiska će biti izloženi u vremenskom periodu od **09.06.2018.god** do **09.07.2018.god**.

c) Mjesta gdje će biti izloženi izvodi iz Privremenog biračkog spiska

Izvodi će biti izloženi na slijedećim mjestima:

- oglasnoj tabli općine Doboj Istok u Klokotnici, zgrada Općine,
- u prostorijama općine Doboj Istok u Brijesnici Velikoj, Zanatski centar, I sprat,

- u prostorijama mjesne zajednice Klokočnica, za naseljeno mjesto Klokočnica,
- u prostorijama mjesne zajednice Brijesnica Velika, za naseljeno mjesto Brijesnica Velika,
- u prostorijama mjesne zajednice Brijesnica Mala, za naseljeno mjesto Brijesnica Mala,
- u prostorijama mjesne zajednice Stanić Rijeka, za naseljeno mjesto Stanić Rijeka i
- u prostorijama mjesne zajednice Lukavica Rijeka, za naseljeno mjesto Lukavica Rijeka

Uvid u izvod iz Privremenog biračkog spiska za birače koji glasaju na redovnim biračkim mjestima, građani će moći izvršiti, u periodu izlaganja istih, svakog radnog dana u vremenskom periodu od 7,30 – 16,00 sati u prostorijama svih 5 (pet) mjesnih zajednica na području općine Doboj Istok i prostorijama općine Doboj Istok u Klokočnici i Brijesnici Velikoj.

Uvid u izvod iz Privremenog biračkog spiska može se izvršiti svakog radnog dana u vremenu od 7,30 – 16,00 sati i u Centru za birački spisak koji se nalazi na I spratu zgrade općine Doboj Istok u Klokočnici.

Birači koji u periodu izlaganja izvoda iz Privremenog biračkog spiska uoče nepravilnosti i pogrešne podatke, imaju pravo zahtijevati njihovu ispravku ukoliko se radi o ispravci ličnih podataka. Zahtjev se podnosi organu nadležnom za vođenje podataka čija se ispravka zahtijeva.

d) Obavješćavanje raseljenih lica o promjeni biračke opcije u Centru za birački spisak

Raseljena lica sa područja općine Doboj Istok u Centru za birački spisak općine Doboj Istok moći će izvršiti provjeru svojih podataka kao i opredijeliti se za biračku opciju (općina, odnosno mjesto glasanja i način glasanja – lično ili u odsustvu) na predstojećim Općim izborima koji će se održati 07. oktobra 2018. godine.

Zahtjevi od raseljenih lica za promjenu biračke opcije biće zaprimani najkasnije do 24.07.2018.god.



PREDSJEDNIK OIK-e
 Šemsudin Bećirović